

fuit: Censura verò de mortuis, articulo 52.

De Fide.

Annotatio, Fides, spes, & charitas permanent, etiam si contingat cætera dona aboleri, 1. Cor. 13. d. 13.

Censura, Hæc propositio falsa est quātum ad fidem & spem, quum iuxta Pauli mentem non maneant in patria.

Nec verò mihi in animo fuit, dicere mansuram fidem, cum Deum facie ad faciem videbimus. Scio enim fidem ad tempus peregrinationis restringi, quandiu nondum aspectu fruiatur, 2. Cor. 5 a. 7. Spei nō aliter locum esse scio, nisi dū abscondita est salus, Rom. 8. e 24. Tantum dicere volui, reliqua dona quasdā esse velut accessiones, quæ ad fidem, spem, & charitatem referantur: ideoque propriā estimationem non habeant. Boni interpretes me in cælum rapiunt, ut probent tunc nullam fore residuam fidem quum fruemur cælesti gloria. Præposterior certe, qui dum se nimium simulat cælestes, nullam prorsus humanitatis guttam retinent.

De Timore.

Annotatio, Qui timet iudicium futu-